

Андижонда дўстлик фестивали ўтказилди



Андижонда 100 дан ортиқ миллат ва элат вакиллари ахил-иноқ ва ҳамжиҳатлиқда юртимиз равнақи йўлида фидокорона меҳнат қилмоқда, дейди Андижон вилояти ҳокимининг ўринбосари Шахзод Турсунов.

Ўзбекистон Республикаси Байналмилал маданият маркази, Андижон вилояти ҳокимлиги ва бошқа ташкилотлар ҳамкорлигига ташкил этилган тадбирда вилоятдаги миллий маданий марказлар, давлат ва жамоат ташкилотлари вакиллари иштирок этди.

Республика Байналмилал маданият маркази директори Н.Муҳаммадиев ва бошқалар Президентимиз раҳнамолигида мамлакатимизда тинчлик-осойишталик ва ижтимоий барқарорликни асраб-авайлаш, инсон хукуқ ва манфаатларини ҳимоя қилиш, миллатлараро тотувлик ва диний бағрикенглик мухитини янада мустаҳкамлашга алоҳида эътибор қаратилаётганини таъкидлади.

Вилотимизда 100 дан ортиқ миллат ва элат вакиллари ахил-иноқ ва ҳамжиҳатлиқда юртимиз равнақи йўлида фидокорона меҳнат қилмоқда, дейди Андижон вилояти ҳокимининг ўринбосари Шахзод Турсунов. Уларнинг таълим олиши, касб-хунар эгаллаши, урф-одат ва миллий қадриятларини асраб-авайлаши учун барча шароит яратилган. Уйгур, қирғиз, рус, корейс ҳамда арман миллий маданий марказлари фаолияти самарали йўлга қўйилган. Турли миллат вакиллари ҳамжиҳатлиқда яшаётган Жалақудук, Хўжаобод, Пахтаобод, Кўргонтепа туманлари ва Андижон шаҳрида дўстлик фестиваллари, турли маданий-маърифий тадбирлар ўтказиш яхши анъанага айланган. Фестиваль Андижон давлат университетида турли миллатларнинг ўз анъана ва урф-одатлари намойиши билан бошланди. Тадбир доирасида сенинг фарзандингмиз, Ўзбекистон! шиори остида талаба-ёшларнинг халқимизнинг бунёдкорлик салоҳияти, юртимизнинг бетакрор табиати, миллатлараро дўстлик, турли миллат вакилларининг юртимиз тараққиётига қўшаётган хиссаси акс этган фото ва тасвирий санъат асарлари, миллий таом ва либослар, хунармандлик маҳсулотлари кўргазмалари ташкил этилди. Кўргонтепа, Пахтаобод туманлари ва Андижон қишлоқ хўжалиги институтида дўстлик барқарорлик омили мавзусида бўлиб ўтган тадбии мамлакатимизда яшаётган барча миллат ва элат вакилларининг жамиятишимиз ижтимоий-сиёсий, иқтисодий ва маданий ҳаётида фаол иштирок этиши учун яратилган шароит ва имкониятлар ҳақида сўз юритилди.

Юртимиздаги миллатлараро тотувлик ва ҳамжиҳатлик мухитига бошқалар ҳавас билан қарайди, дейди вилоят корейс миллий маданий маркази раҳбари Вячеслав Ким. Дарҳақиқат, Ўзбекистонимизда барча миллатларнинг тили, урф-одат ва анъаналарига юксак хурмат муносабати қарор топган. Миллатидан қатъи назар, шу муқаддас заминнинг ҳар бир фуқароси тенг хукуқлидир.

Дўстлик фестивали юртимизда яшаётган барча миллат вакилларини, айниқса, биз ёшларни янада ҳамжиҳат, юртимиз равнақи йўлида фидойи бўлишга ундейди, дейди Андижон давлат университети талабаси Моҳинур Мухторова. Мен қирғиз қизи бўлсан-да, Ватаним Ўзбекистон эканидан фахрланаман. Мамлакатимизда миллатидан қатъи назар, биз, ёшларнинг ўқиб-изланишимиз, касб-

хунар эгаллашимиз, истеъдод ва салоҳиятимизни тўлақонли юзага чиқаришимиз учун барча шароит муҳайё. Инсон қадри эъзозланган мана шундай озод ва обод юртда туғилганимдан ҳамиша ғурурланаман.□

Андижон шаҳар Бобур номидаги вилоят мусиқали драма ва комедия театри, Алишер Навоий номидаги маданият ва истироҳат боғи ҳамда вилоят қўғирчоқ театрида байрам сайли тарзида бўлиб ўтган фестивалнинг якуний тадбирлари катта шодиёнага айланди. Унда миллий маданий марказлар бадиий жамоаларининг мустақилликни, тинчлик, дўстлик, ёшлиқ, меҳр-оқибат ва бағрикенгликни тараннум этувчи куй-қўшиклари янгради, таниқли хонандалар иштирокида катта концерт дастури намойиш этилди.□

Тадбирда Андижон вилояти ҳокими Ш.Абдураҳмонов сўзга чиқди.□